



Trg pravde 10, 76100 Brčko distrikt Bosne i Hercegovine; web: jt-brckodistrikbih.pravosudje.ba; tel: 049/217-227; faks: 049/219-088; e-pošta: jtd@jtbd.ba
Trg pravde 10, 76100 Брчко дистрикт Босне и Херцеговине; web: jt-brckodistrikbih.pravosudje.ba; тел: 049/217-227; факс: 049/219-088; е-пошта: jtd@jtbd.ba

**Broj: T18 0 KT 0017628 24
Brčko, 26.08.2024. godine**

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

N. B. (...)

Što je:

Dana 10.04.2024. godine, oko 21,30 časova, u mjestu Ulović, Brčko distrikt BiH, upravljujući putničkim motornim vozilom marke „VW Passat V“, registarskih oznaka ..., krećući se iz pravca Brčkog prema Ceriku, regionalnim putem R-460, na mjestu spajanja sa jedne strane lokalnog puta za naselje Brka, a sa druge strane lokalnog puta za naselje Ulović, suprotno odredbi člana 174 stav (1) i (2) i člana 49 stav (2) Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“ broj 6/06, 75/06, 44/07, 84/09, 48/10 i 18/13), svjestan da je u alkoholisanom stanju sa količinom alkohola od 2,25 g/kg, to jeste u stadiju teškog pijanstva i da je u takvom stanju u potpunosti nesposoban za sigurnu vožnju i da može ugroziti javni saobraćaj na putevima i dovesti u opasnost život i tijelo ljudi, na šta je i pristao, te svjestan da je dužan da propusti vozilo koje, dolazeći iz suprotnog smjera, na raskrsnici zadržava pravac svog kretanja ili skreće udesno, osim ako postavljenim saobraćajnim znakom nije drugačije određeno, započeo skretanje uljevo na raskrsnici sa regionalnog puta R-460 prema lokalnom putu za naselje Brka, u trenutku kada mu je iz suprotnog smjera u susret dolazilo vozilo „VW Passat VII“, registarskih oznaka ..., kojim je upravljao V. G., dok se na mjestu suvozača nalazila njegova supruga J. G. a na zadnjem sjedištu njihova maloljetna kćerka mldb.1 rođena 2017. godine, dok je odstojanje između njihovih prednjih dijelova iznosilo 39,5 metara, iako je to skretanje na bezbjedan način i bez ometanja ostalih učesnika u saobraćaju mogao započeti i završiti samo ako bi odstojanje između njihovih prednjih dijelova vozila iznosilo 80,2 metra ili više, uslijed čega je došlo do kontakta između vozila „VW Passat V“ i vozila „VW Passat VII“, nakon čega je vozač motocikla „Yamaha“, registarskih oznaka ..., M. I., a koji se kretao iza vozila „VW Passat VII“ držeći bezbjedno odstojanje, preuzeo manevar izmicanja motocikla iz desne u lijevu saobraćajnu traku, pa kako je vozilo „VW Passat V“ počelo da se horizontalno rotira u smjeru suprotnom od smjera kretanja kazaljki na satu, zadnji dio vozila „VW Passat V“ je dospio u lijevu kolovoznu traku gledano iz smjera kretanja motocikla i tako se našao na pravcu kretanja motocikla što je i dovelo do sudara između njih, uslijed čega je M. I. zadobio tjelesne povrede u vidu nagnjećenja tijela, preloma potiljačne kosti, nagnjećenja pluća sa prelomom V rebra u desnom prsištu, te II rebra na lijevom prsištu, kao i zrak između poplućnice i porebrice lijevog prsišta, preloma desne ključne kosti i nagnječno- razderne rane na nadlanom dijelu desne šake sa sekcijom tetiva opružača drugog, trećeg i četvrtog prsta desne šake i djelimična sekcija opružača petog prsta desne šake, a koje povrede sveukupno čine običnu ili nekvalifikovanu tešku tjelesnu povredu, dok su V., J. i maloljetna mldb.1 zadobili luke tjelesne povrede, a koje povrede su konstatovane od strane ljekara specijaliste JZU „Zdravstveni centar Brčko“,

dakle, pod uticajem alkohola upravljač motornim vozilom, iako je zbog toga bio očigledno nesposoban za sigurnu vožnju i time tako ugrozio saobraćaj da je doveo u opasnost život ljudi i time prouzrokovao tešku tjelesnu povredu lica,

čime je, učinio krivično djelo –Teška krivična djela protiv bezbjednosti javnog saobraćaja- iz člana 330 stav (1) Krivičnog zakona Brčko distrikta BiH u vezi sa krivičnim djelom -Ugrožavanje javnog saobraćaja zbog omamlijenosti- iz člana 327 stav (1) Krivičnog zakona Brčko distrikta BiH.

[....]

Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.
